

Na osnovu člana 69. stav 3., člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14 i 59/22), člana 4. Odluke o pokretanju postupka javne nabavke br: 02/11-A-007921-2023 od 16.05.2023.godine, a u vezi sa Rješenjem o prenosu ovlaštenja na državnog službenika u organu državne službe broj: 02/04-A-10812-2023 od 04.07.2023.godine, Pomoćnik gradonačelnika za Službu za opću upravu i zajedničke poslove, donosi

ODLUKU o poništenju postupka javne nabavke

Član 1.

Poništava se postupak javne nabavke grafičkih usluga na osnovu člana 69. stav 3., a u vezi sa članom 72. stav 3. tačka a) Zakona o javnim nabavkama, odnosno iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a nakon što najpovoljniji ponuđač, koji je jedini dostavio prihvatljivu ponudu u predmetnom postupku javne nabavke, nije u ostavljenom roku, dostavio dokumentaciju iz člana 45. Zakona o javnim nabavkama.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 02/11-A-007921-2023 od 19.06.2023.godine kojom se okvirni sporazum za nabavku grafičkih usluga, dodjeljuje ponuđaču „HARFO-GRAF“ DOO TUZLA.

Član 3.

Ova odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02/11-A-007921-2023 od 16.05.2023.godine. Postupak nabavke je proveden putem otvorenog postupka za koji je objavljeno obavještenje o nabavci broj: 1004-1-2-45-3-97/23 dana 18.05.2023. godine na Portalu javnih nabavki.

Postupak nabavke provela je Komisija za nabavke imenovana Rješenjem broj: 02/11-A-007921-2023 od 16.05.2023. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da je 1 (jedna) ponuda prihvatljiva i da je 1 (jedna) ponuda neprihvatljiva.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim nabavkama i dokumentaciju traženu u skladu sa uslovima i zahtjevima iz tenderske dokumentacije u roku od 7 dana od dana prijema obavještenja o rezultatima postupka.

Obzirom da izabrani ponuđač „HARFO-GRAF“ DOO TUZLA, koji je jedini dostavio prihvatljivu ponudu u predmetnom postupku javne nabavke, do predviđenog roka za dostavu tražene dokumentacije iz člana 45. Zakona o javnim nabavkama, nije dostavio istu, ugovorni organ je postupio u skladu sa članom 69. stav 3., a u vezi sa članom 72. stav 3. tačka a) Zakona o javnim nabavkama.

Iz navedenih razloga, primjenom člana 69. stav 3. Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za opću upravu i
zajedničke poslove
Broj: 02/11-A-007921-2023
Datum, 05.07.2023.godine

Pomoćnik gradonačelnika za Službu za opću
upravu i zajedničke poslove

Asja Kravić, dipl. pravnik